

EXPEDIENTE DE CONTRATACIÓN: 2017/ABERTO OBRAS/000013

CAMPO DE FÚTBOL DE CAMPAÑÓ.

NÚMERO DE EXPEDIENTE: 440-99/18

TRÁMITE: RESOLUCIÓN DE ADXUDICACIÓN

RESOLUCIÓN DO CONCELLEIRO DE CONTRATACIÓN E FACENDA

Examinado o expediente do contrato de obra que se menciona na parte dispositiva deste acordo, resultan relevantes os seguintes **feitos**:

1. O concelleiro de contratación e facenda aprobou o proxecto para a execución das obras relativas o contrato de obras que se menciona na parte dispositiva deste acordo, así como acordou o inicio do expediente de contratación deste contrato.
2. A Xunta de Goberno Local aprobou o prego de cláusulas administrativas e o expediente de contratación que se menciona na parte dispositiva deste acordo.
3. Publicáronse os anuncios de licitación determinados no prego de cláusulas administrativas particulares nos boletíns oficiais indicados no prego.
4. As ofertas presentadas polas empresas foron obxecto de valoración por parte da mesa de contratación, tendo en conta os informes técnicos de valoración. Finalmente, a mesa de contratación propuxo, no procedemento de contratación indicado na parte dispositiva, como oferta económica máis vantaxosa a determinada na parte dispositiva deste acordo, polos motivos expostos nos acordos da mesa de contratación, e no seu caso, polos informes técnicos emitidos.
5. Por acordo da Xunta de Goberno Local acordouse requirir a empresa que presentou a oferta economicamente máis vantaxosa, para que presentase a documentación determinada no prego de cláusulas administrativas particulares para poder adxudicar o contrato. A entidade requirida que cumpriu debidamente con este requirimento, é a que se lle efectúa na presente resolución a adxudicación do contrato que se menciona na parte dispositiva desta resolución.

Fundamentos xurídicos

Primeiro.- Cumpríronse os trámites dispostos no Real Decreto legislativo 3/2011, polo que se aproba o texto refundido da lei de contratos do sector público (en adiante **TRLCSP**), para seleccionar a oferta economicamente máis vantaxosa no contrato que se menciona na parte dispositiva deste acordo. De conformidade co artigo 151 do **TRLCSP**, procedeuse por parte do órgano de contratación a clasificar as ofertas así como requirir a oferta economicamente máis vantaxosa para que no prazo de dez días hábiles presente determinada documentación, trámite cumprido pola empresa a que se lle adxudica o contrato mencionado na parte dispositiva desta resolución. O cumprimento deste requirimento, determina de conformidade co artigo 151.3 do **TRLCSP**, que órgano de contratación deba adxudicar o contrato dentro dos cinco días hábiles seguintes ao da recepción da devantida documentación. A adxudicación prodúcese coa presente resolución.

Segundo.- O artigo 151.4 do **TRLCSP** determina que a adxudicación debe ser motivada, contendo a información necesaria que permita ao licitador excluído ou candidato descartado interpoñer, un recurso suficientemente fundado. A motivación da adxudicación basease en



todos os acordos da mesa de contratación do contrato de obras que se menciona na parte dispositiva deste acordo así como os informes, que no seu caso se emitiron, e de conformidade con estes acordos e informes e polas motivacións expostas nos mesmos, e que se asumen na presente resolución de adxudicación, así como do cumprimento por parte da entidade á que se lle efectuou o requirimento para que presentase a documentación determinada no artigo 151.2 do TRLCSP, procede a adxudicación do contrato que se menciona posteriormente.

Terceiro.- De conformidade co apartado terceiro da disposición adicional segunda do TRLCSP, o órgano de contratación é a Xunta de Goberno Local e a este órgano é ao que lle corresponde a adxudicación do contrato segundo dispón o artigo 151.3 do TRLCSP. Non obstante, a competencia para adxudicar os contratos esta delegada por acordo da Xunta de Goberno Local de data 21 de abril de 2017 no concelleiro de contratación e facenda.

A vista do exposto, por delegación da Xunta de Goberno Local efectuada na sesión do día 21 de abril de 2017, RESOLVO:

Primeiro.- Declarar válido o seguinte procedemento aberto relativo ao contrato de obras "CAMPO DE FÚTBOL DE CAMPAÑÓ".

Segundo.- Aceptar e asumir todos os acordos da mesa de contratación do contrato de obras que se menciona no apartado anterior así como os informes, que no seu caso se emitiron, e de conformidade con estes acordos e informes e polas motivacións expostas nos mesmos, adxudicar o contrato de obras mencionado no apartado anterior a entidade que de seguido se relaciona toda vez que cumpriu co requirimento efectuado polo órgano de contratación de conformidade co artigo 151.2 do TRLCSP, con plena suxeición ao proxecto e prego de cláusulas administrativas particulares que rexen o contrato e a oferta formulada polo adxudicatario, dentro de cuxa oferta destacan os seguintes apartados:

EMPRESA ADXUDICATARIA	PREZO DE ADXUDICACIÓN	AMPLIACIÓN PRAZO MANTEMENTO	MELLORA NO EQUIPAMENTO DEPORTIVO	MELLORA NA INSTALACIÓN DEPORTIVA	MELLORA DAS INSTALACIÓNS	MELLORA DA URBANIZACIÓN
ELSAMEX, S.A.U.	740.000 € IVE 155.400 € TOTAL 895.400 €	5 ANOS (MÍNIMO DE 1 MAIS 0 PROPOSTO TOTAL 6 ANOS)	SI	SI	SI	SI

Terceiro.- Dar traslado da presente resolución a entidade adxudicataria, aos licitadores así como a Intervención Municipal. A notificación acompañarase coas actas das reunións da mesa de contratación así como dos informes técnicos que no seu caso obren no expediente para a valoración das ofertas, que serven de fundamento para a presente resolución de adxudicación.

Así o dispuxo e ordenou o Concelleiro responsable da área de contratación e facenda, por delegación da Alcaldía de data 21 de abril de 2017, en Pontevedra na data que consta na sinatura electrónica, ante o Secretario de Administración Municipal, que DA FE da precedente Resolución.

